

31.07.1892

Prěnja nalutowarnja so załoži	Die erste Sparkasse wird gegründet
W 1. połłěće 1892 so w Radworju prěnja nalutowarnja po Raiffeisenowych zasadach zarjadowa. Wona wotewri so za Radworčanow njedźelu (!) 31.07.1892 a to w šulskich rumnosćach! Zajimałe je, koho do předsydstwa wuzwolichu a štó bě lokalnje zamołwity. Tu k tomu nastawk z Katolskeho Posoła z dnja 16.07.1892 (rěč a prawopis aktualizowane): <i>Z Radworja. W běhu zańdženého połłěta so tež pola nas „lutowarnja a požčernja,, po Raiffeisenowych zasadach załoži. K nawjedowanju towarstwa wuzwolichu so kk. kapłan J. Nowak za předsydu, J. Hantuš-Bronjanski za městopředsydu, J. Hantuš-Radworski, J. Kilian-Kamjenjanski a M. Kubaš-Chasowski za dalších sobustawow předsydstwa, k. administrator M. Žur za předsydu dohladnistwa, k. M. Smoła-Bronjanski za městopředsydu a k. cyrkwinski wučer Šoŭta za ličerja (pokładnika). — Pjenjezy přijimać a wuplaćeć budža so přěnju a třěću njedźelu kóžděho měsaca (t. j. zwjetša na njedźelach, na kotrychž je „Posoł“), a to popołdnu po nyšporje (w 3 hodž.) na šuli (deleka na prawu ruku). Daň płaći so po samsnych prawidłach a w samsnej wysokosći, kaž na krajnostawskej bance w Budyšinje. Na daň přinjesć smě kóždy, tež tajcy, kotřiž sobustawy njejsu, potajkim tež služowni a džěci. Zhubić při tym ničo móžno njeje, dokelž maja wšitke sobustawy ze swojim cyłym wobsedženstwom a zamóženjom za kóždy nowy pjenježk rukować. — Přěni króć přijimać budža so pjenjezy, jeli mjez tym wotmołwa wot hamtskeho sudnistwa dóndže, wurjadnje njedźelu 31. julija, tak zo budža so hnydom wot přichodneho dnja danić.</i>	nem

From:

<http://82.165.187.122/> - Radibor - Chronik

Permanent link:

http://82.165.187.122/doku.php?id=1._halbjahr_-_sparkasse_gegruendet&rev=1664568172

Last update: 2022/09/30 20:02

